

弘

簡

錄

弘簡錄卷七十三

明刑部員外郎仁和弘齋邵經邦學

皇清翰林院侍講學士四世孫遠平校閱

附載

南漢劉隱

父知謙子玠

弟奐孫集

北漢劉晏

子鈞繼恩繼元附衛融李惲

南平高季典

子從壽孫保融保昂保寅保仲孫忠沖附孫光憲梁廷嗣

楚馬殷

子希範希範

湖南周行逢

子保權

劉隱祖安仁由上蔡避亂徙閩中爲商因家南海父知謙任清

海軍牙將節度使韋宙見其狀貌非常以兄女妻之黃巢自嶺

表北還湖湘間羣盜蟻結知謙因據封州有詔卽授刺史兼賀

江鎮遏使禦梧桂以西歲餘有兵萬人戰艦百餘生三千日隱

台巖在任撫納流亡愛蓄用度招養士卒境內肅然久之疾病

名諸子曰今五嶺盜賊方興吾有精甲犀械爾等勉建功業時不可失知謙卒共推隱爲嗣乾寧中嗣薛王知柔爲節度使行至湖南廣州將盧瑊瑒玘作亂知柔不敢進隱率州兵攻殺瑊玘迎知柔至卽辟爲行軍司馬其後徐彥若代知柔表隱節度副使委以軍政彥若卒軍中推隱留後天祐二年拜節度使梁開平元年加檢校太尉兼侍中二年兼靜海軍節度安南都護三年加檢校太師兼中書令封南平郡王遭世多故數有功於嶺南遂占南海隱復好賢下士時中原大亂惟嶺外最遠可以避地中朝士人多游寓焉又名臣謫死南方往往有子孫或當時仕宦遭亂不得還者皆客嶺表若巡官王延保學傳倪曙劉崇望子濬李德裕孫衡及周傑楊洞潛趙光胤之徒皆招禮之辟置幕府待以賓客傑善星曆隱數問以災變傑恥以術事人

常稱疾不起洞潛初爲邑管巡官隱帝師事之後以爲節度副
使及龔偁號用此數人爲陳吉凶禮法爲國制度略有次序乾
化元年進封南海王卒年三十八弟龔嗣龔初名嚴又名陟
母段氏生於外舍嫡韋氏素如聞之怒拔劍而出將殺之及見
而悸劍輒墮地良久曰此非常兒乃殺段資龔及長善騎射身
長七尺垂手過膝初辟薛王府諮議參軍後副隱鎮南海時諸
州割據不相統制隱好攻詔龔諫以盧光勰據虔州其弟光睦
據潮州子廷昌據韶州三州相應擊之則首尾受敵此不宜直
攻而可以計取隱不聽果敗而歸因以兵事付龔龔悉平諸寨
殺高州劉昌魯新州劉潛更置刺史復敗盧氏取韶韶二州又
取容管逐龐巨昭併邑管殺華廣略與梁隔別但稟正朔而已
乾化二年除節度使檢校太保同平章事尋進太傅末帝初龔

王爵貞明三年僭皇帝位國號大越改元乾亨追尊安仁文皇帝知謙聖武皇帝隱襄皇帝立三廟置百官拜楊洞潛兵部李衡禮部倪曙工部皆侍郎趙光胤兵部尚書並同平章事光胤恥事僞國常怏怏思歸夔乃習爲光胤手書遣使間道至洛陽名其二子損益并家屬皆至光胤驚喜爲盡心焉恐王定保不從遣使荆南至是還使曙勞之定保曰建國當有制度吾入南門清海軍額猶在寧不取笑四方乎夔笑曰吾不思此宜其譏也夔性聰悟而苛酷爲刀鋸支解剝剔之刑見殺人不覺殽頤垂涎呀呷人以爲真蛟蜃也復好奢侈悉聚南海珍寶以爲玉堂珠殿有北商至者多名之使升宮殿示以珠玉之富二年祀天南郊大赦境內改國號曰漢三年間楚王殷女越國夫人馬氏爲皇后四年春署選部貢舉進士明經十餘人歲以爲常七

年莊宗入汴襲懼遣宮苑使何詞入闕虛實稱大漢國主致書
大唐皇帝詞還言唐必亂不足憂襲大喜雲南鄭旻遣使鄭昭
淳致朱紫白馬以求婚悅昭淳好學有文辭相與游燕賦詩妻
以隱女增城縣主八年作南宮定保獻南宮七奇賦以諷之九
年白龍見南宮三清殿改元白龍用番僧言識書滅劉者儼乃
採飛龍在天二字合爲襲音字以名焉四年楚人以舟師攻封
州敗於賀江襲懼筮之遇大有復救境內改元大有遣蘇意救
封潛沉鐵索賀江中駕輕舟迎戰楚人逐之舉輪挽索射以盪
弩盡殺楚人三年遣將李守歸梁克貞攻交趾擒曲頴子承美
登儀鳳樓受俘而赦其死遂攻占城掠寶貨而歸四年愛州楊
廷藝叛攻交州刺史李進遜歸遣承旨程寶攻廷藝戰而死五
年封子耀樞邑王龜圖康王洪度秦王洪熙晉王洪昌越王洪

高齊王洪雅詔王洪澤鎮王洪操萬王洪杲循王洪暉息王洪
邈高王洪簡同王洪建益王洪濟辨王洪道貴王洪照宜王洪
政通王洪益定王九年遣將孫德成攻象州不克十年交州牙
將陵公羨殺廷藝自立其故將吳權復攻交州公羨來乞師襲
敗封洪操交王出兵白藤以攻之自以兵駐海門權殺公羨逆
戰海口洪操舟覆而死襲收衆還十五年薨年五十四加諡天
皇大帝廟號高祖陵曰康陵子玠嗣初名洪度改元光天立二
年以荒淫爲弟洪熙所弑洪熙改名晟自立改元應乾懼衆
不伏益峻刑法殺弟洪杲以威衆祀天南郊改元乾和諸弟中
洪昌最賢襲素所欲立者晟尤忌之二年夏遣祠襄帝陵使盜
殺之洪澤居邕州有善政亦使人醢之諸弟相次見殺皆盡功
臣劉思潮僕射王翻陳道庠及道庠友鄧仲相繼下獄皆斬之

族其家六年遣工部郎中知制誥鍾允章聘楚求婚不許還言
馬希廣新立希萼起兵湖南大亂可乘機取之晟遣巨象指揮
使吳玠內侍吳懷恩克賀州陷桂連宜梧慶蒙六州復掠全州
而還九年又遣內侍潘崇徹取郴州晟益得志遣巨艦指揮使
暨彥贊以兵入海掠商人金帛作離宮游獵宦者林延遇與官
人盧瓊仙內外專恣淫虐殺人晟不復省十一年封子繼興衛
王旻興桂王慶興荆王保興祥王崇興梅王十二年親耕籍田
交州吳權子昌濬遣使稱臣求節鉞顯德三年世宗平江南晟
惶恐遣使修貢京師爲楚人斷隔使者不得行晟憂形於色末
年月食牛女間歎曰吾當之矣因爲長夜之飲卜葬域於城北
運甓爲壙親臨視之是秋薨年三十九長子銀嗣銀初名繼
興改元大寶晟性剛忌不能任臣下而獨任其嬖倖至銀偏見

尤甚目羣臣謂門外人以皆有家室顧子孫不爲盡忠惟宦者親近可任遂委其政於龔澄樞陳延壽等至欲用羣臣皆托以訪日與宮婢波斯女等淫戲後宮不復出治政事延壽引女巫樊胡子托言玉皇降於內殿設帳帷陳寶具巫坐帳中宣禍福呼玉皇爲天子銀爲太子皇帝澄樞等皆玉皇使來輔太子有罪不可問國事皆決於胡子盧瓊仙澄樞等爭附之左丞鍾允章數請誅之不聽二年郊祀允章與禮官先期登壇宦者許彥真以爲詛咒馳告下允章獄并其二子誅之延壽又勸先帝所以得傳陛下由盡殺羣弟銀以爲然亦殺其弟桂王旋興是歲改元建隆其將邵廷珣諫曰漢乘唐亂居此五十年幸中國有故干戈不及軍士不識旗鼓人主不知存亡今聞真主已出其勢必將盡有海內亂極而治自然之理盍修兵爲備縱不然悉

珍寶奉中國遣使通好銀深恨之遣以舟師屯洗口延珣訓士卒修戰備嶺人方倚爲干城有譖者言其謀反賜死士卒排單門不能救爲立祠洗口四年芝菌生宮中野獸觸殿門苑中羊吐珠井旁石自立行百餘步而什民生子兩首四臂皆以爲符瑞諷羣臣入賀五年納宦者李托養女專寵僭稱貴妃尊托內太師居中專政彥真復惡澄樞等居已上將謀殺之反爲所告謀反族誅龔時中官裁三百餘位不過令丞至晨已千餘人稍增內常侍諸謁者之稱銀增至七千官以三師三公但加內字女官亦有師傅令僕之號官僚有才略可用者令自宮方得出入又作燒煮剝剔刀山劒樹之刑或令罪人鬪虎抵象民困重賦至入城者人輸一錢瓊州米斗稅四五錢復置媚川都定其課入所居宮殿悉以珠玁珎飾之延壽作諸淫巧日費數萬金

宮城左右離宮數千游幸常至月餘以豪民爲課戶供宴餽費
乾德中宋師克郴州獲其內品十餘人有余延業者簡言其事
宋太祖奮然曰吾當救此一方民江南李煜遣給事龔慎儀遣
書使稱臣歸所侵湖南地銀不從因慎儀驛書答煜言甚不遜
煜以書來上開寶三年命潘美尹崇珂討之八月師至白霞賀
州刺史陳守忠告急遣澄樞往賀州郭崇岳往桂州托往韶州
畫守禦之策時舊將多以讒構誅死宗室翦滅惟宦人數輩掌
兵又耽於遊宴城壁壕隍飾爲宮館池沼樓艦皆毀兵器又腐
內外震恐九月美與宗珂聞賀州澄樞遁歸復遣大將伍彥柔
領兵美等伏奇兵南岸伺其至擒斬之梟首以徇翌日城陷益
督戰艦聲言順流趨廣州銀令都統潘崇徹將兵五萬屯賀江
十月王師次韶州破開建砦殺卒數百擒砦將靳暉刺史田行

初遣去城遂陷桂州刺史李承進亦棄城奔十一月連州陷招討使盧收率衆退保清遠十二月進攻韶州都統李承渥領兵數萬教衆爲陣列連華山下美以勁弩射之衆奔蹙反踐軍遂大敗承渥僅以身免韶州陷擒刺史辛延渥諫議大夫卿文遠銀于廣城東塹壕遣崇岳統兵六萬屯馬迺列柵以拒崇岳無謀勇但瞻見神四年正月美等破英雄二州崇徹來降翌日次龍頭山銀遣使請和且求緩師二月過馬迺去廣城十里砦于雙女山下銀聞之取大船十餘艘載金寶妃嬪欲入海未及發宦官樂範與衛兵千餘盜船走美等將至城銀遣右僕射蕭淮奉表詣軍門乞降師頓城外遣其弟保興率羣臣奉迎復爲崇岳所遏美等進攻保興迎戰大敗逃于民家乘風縱火崇岳死于亂兵銀聞城破猶盡焚府庫爲美所擒及保興澄樞李托薛

崇譽等五百餘人與宗室文武九十七人同繫于龍德宮部送
闕下舍銀玉津園俘獻太廟太祖御明德門遣大臣呂餘
慶盧多遜宣詔責銀淫虐及反覆之狀銀伏地言臣年十六僭
偽位乘輿等皆先臣舊人每事臣不得專乃命大理卿高繼申
引乘輿托崇譽斬于千秋門外釋銀罪賜襲衣冠帶器幣鞍馬
授金紫光祿大夫檢校太保右千牛衛大將軍封恩赦侯朝會
班上將軍之下保興右監門率府率蕭淮太子中允中書舍人
卓惟休太僕寺丞餘並署諸州上佐縣令主簿四年詔增月奉
錢五萬米麥五十斛八年遷左監門衛上將軍進封彭城郡公
太平興國初又進衛國公卒年三十九廢朝三日贈太師追封
南越王銀爲人體質豐碩眉目俱疎有口辨性絕巧嘗以珠結
鞍勒爲戲龍之狀極其精巧以獻太祖嘆曰倘能以是移于治

國豈至亡滅哉。興嘗問傑國祚修短之數。筮遇復之豐二卦。皆土上下皆應五數。及銀敗五十有五年。京師先一年九月八夜。衆星皆北流。占者言劉氏歸朝之兆。又廣州童謡羊頭二四白。天雨。天雨者王師也。是年辛未二月四日被擒。譯皆不爽。子守節守正。皆至崇儀副使。守素咸平中爲侍禁。後至內殿崇班閣門祇候。守通供奉官。守正子克昌爲三班奉職。國昌爲借職。

劉旻漢高祖母弟。初名崇。爲人美鬚髯。目重瞳子。少無賴。嗜酒好博。驟爲軍卒。時漢祖鎮河東。以爲都指揮使。登祚加同平章事。遷太原尹。北京留守。隱帝累加中書令。見帝年少。政在大臣。又與周太祖有隙。頗不自安。謀於判官鄭珙。勸以漢政昏亂。晉陽兵雄天下。地形險固。十州征賦足以自給。公爲宗室老。不以此時爲計。後必爲人所制。旻曰。子言正合吾意。乃罷上供征賦。

收豪傑籍民以益兵。三年周祖起兵。隱帝遇弑。白漢太后立。晏子贊爲漢嗣。遣馮道奉迎人。皆知非周祖實意。晏獨喜遣人至京師。見周祖具道所以迎贊之意。因自指其頸所刺飛雉形。以示曰。自古豈有雕青天子。幸無以爲疑。晏聞益信之。獨太原少尹李驤謂贊此行必不得爲劉氏後。因勸晏舉兵下太行。控孟津。以俟變。庶幾贊得立。贊立而罷兵可也。晏大罵曰。腐儒欲離間我父子耶。命左右牽出斬之。驤臨刑大呼。吾爲愚人畫計。死誠宜矣。遂與其妻俱死。已而周祖果代漢降封。贊淮陰公。晏遣牙將李晉奉書求贊歸太原。而贊已死。晏慟哭。始爲驤立祠。歲時祠之。乃以廣順元年正月戊寅卽皇帝位。以子承鈞爲太原尹。珙與判官趙華左右宰相都押衙陳光裕宣徽使李晉通事舍人遣珙使契丹。約爲父子之國。永康王元欲遣燕王延軋政。

事令高勳開旻爲大漢神武皇帝妻爲皇后貽以白愛黃
九龍十二稻玉帶未幾元欲爲述軋所弑述律代立旻遣樞密
直學士王得中往賀併求出兵以攻周述律遣蕭禹厥率兵五
萬來助旻出陰地攻晉州爲王峻所敗會大寒軍凍餒亡失過
半明年又攻府州爲折德展所敗未幾周太祖崩旻大喜復遣
使乞兵契丹遣楊衮將鐵馬萬騎及奚諸部兵五六萬號稱十
萬助旻旻遣張元徽爲先鋒自將騎兵三萬攻潞州李筠遣穆
令鈞以步騎三千拒之于太平驛爲元徽所敗遂圍潞州顯德
元年世宗親征三月甲午戰于高平旻列爲三陣以楊衮居西
當李重進白重贊左軍張元徽居東當樊愛能何徽右軍而自
將居中當向訓史彥超號令東偏先進擊周右軍兵始交愛能
微退走其騎軍亂步卒數千棄甲降元徽咸呼萬歲聲振川谷

世宗大駭。躬督戰士。皆奮命爭先。旻麾赤幟收軍。勢不可遏。元徽沒于陣。遂敗。日暮收餘兵萬人阻澗而止。劉詞將周後軍又至。復乘勝擊之。旻又大敗。輜重器甲乘輿服御皆爲周師所獲。旻獨乘黃驃自鴈塞嶺間道馳還。周進攻太原。城方四十里。周師離城三百步圍之。旻自四月至六月不能克。時楊衮不戰全軍而返。旻遣得中送歸。復乞援兵。契丹更發數萬騎遣得中先還。至代州州將桑珪殺防禦鄭處謙以城降周。并送得中于世宗。世宗遣符彥卿史彥超北控忻口以斷契丹援路。已而兵至敗彥卿。彥超戰歿。世宗殺得中。始命班師。旻遂以憂得疾卒。年六十。子承鈞嗣。承鈞後止名鈞。少頗好學。工書。遣人奉表契丹。自稱男。述律答詔呼爲兒。許其嗣位。始旻常謂承漢祖之業。痛贊冤死。義不爲周祖屈。期與元徽等竭力以復家國之讐。至

於稱帝一方。非其得已。故雖僭號。仍稱乾祐。不改元。不立宗廟。
四時祭用家人禮。鈞既立。始赦境內。改乾祐十年爲天會元年。
立七廟於顯聖宮。潛結江南西川以爲外援。六年冬。約契丹侵。
周。明年正月。周恭帝命宋太祖北征。鈞與契丹皆遁去。太祖既。
受禪。昭義節度李筠叛。乞兵於鈞。奉表稱臣。執監軍周光遜。李。
延玉送於太原。鈞率其國兵自將。出閭栢谷。羣臣饑乏。汾水僕。
射趙華諫曰。李筠舉事輕易。陛下不圖成敗。空國典師。臣實憂。
之。旣而鈞遣宣徽使盧贊監筠軍。筠怒。與贊謀多不叶。復遣宰。
相衛融往和解之。及筠敗。衛融被執至京。太祖問融何以助鈞。
反。融言不遜。命以鐵搥擊其首流血被面。融呼曰。臣得死所矣。
太祖顧左右曰。此忠臣也。釋之。以良藥傅其創。命融致書與鈞。
求周光遜等約。亦以融歸太原。鈞不報。遂留融。不遣。鈞語趙華。

曰不聽公言幾至於敗內樞密段常薦棣州人郭無爲其人方
穎烏聚好學多聞善談辨嘗爲道士居武當山周祖討李守貞
謁軍門詢以當世之務奇之後以其縱橫之士不納而去隱太
原抱腹山自稱山人釣名至與語大悅拜爲諫議大夫遷吏部
侍郎與薊人趙文度同秉政文度捷給善戲謔父王嘗脫呂琦
於難故旻雅愛之五年宿衛王隱劉紹趙鸞等謀作亂事覺被
誅詞連段常罷爲汾州刺史縊殺之自旻以來舉事必稟命契
丹自後改元授李筠殺段常不以告契丹遣使責問鈞惶恐謝
罪自是失援不復有南侵意本以地狹產薄歲輸契丹國用日
削乃拜五臺山僧繼顒爲鴻臚卿繼顒故燕王劉守光孽子多
智善商賈利以能講華嚴經四方供施多積蓄以佐國川旻時
嘗倚賴之其地當契丹界上常得其馬以獻號添都馬歲奉數

百匹。又於柏谷建寶興軍。置治募民鑿山烹銀。仰以足用。後累至太師。中書令。老病而卒。追封定王。鈞嘗日夜懼宋師至。太祖諭以卿周室世讐。今我與爾無所間。何爲困此一方人也。若有志於中國。宜下太行以決勝負。鈞遣諜者復命曰。河東土地甲兵不足以當中國。十一。然自念家世非叛者。區區守此。蓋懼漢氏之不血食也。太祖哀其言。故終鈞世十三年不加兵。後以病卒。年四十三。其養子繼恩嗣。繼恩本姓薛。父釗爲護聖宮卒。母卽曼女。漢祖命除軍籍。置之門下。無他材能。以妻常居禁中。罕得見。因醉拔佩刀刺之。傷而不殊。釗懼。自裁。妻再適何氏。復生繼元。夫妻皆卒。曼見鈞無子。命皆養之。鈞立以繼恩爲太原尹。鈞嘗語郭無爲。繼恩純孝。然非濟世之才。恐不能了我家事。無爲不對。繼恩恨之。鈞病以後事托無爲。告哀於契丹。令繼恩

嗣位方服衰視事寢處勤政閣左右親信尚在太原未至供奉
官侯霸榮率十餘人入閣殺之無爲遣人梯入復殺霸榮并其
黨人皆謂繼恩前恨無爲逞假手霸榮然口滅無知者無爲復
迎繼元立之改元廣運繼元爲人殘忍殺斃千十餘人并鈞妻
郭氏自是劉氏無遺類矣宋聞之興師來討閉城拒守詔書招
降許繼元平盧節度使無爲安國節度使并人及左右不肯皆
欲固守無爲仰天慟哭曰奈何以孤城拒百萬王師并人意益
堅乃遣人縊殺之宋引汾水浸其城水由城門入城內以積草
塞之會暑雨王師頓于甘草地中士多疾乃詔班師旣去決城
下水注之臺駘水落城圯契丹使韓知璠曰使王師若知并人
豈有類耶九年八月太祖復遣黨進潘美楊光美于思進米文
義討之又分郭道入忻代路郝崇信王政忠入汾州路閻彥進

齊超入沁州路孫晏宣安守忠入遼州路齊延琛穆彥璋入石
州路會太恭立復召諸將還太平興國四年復議討伐曹彬贊
上親征以曉將郭進扼石嶺關先斷援兵契丹果至進擊敗之
餽道又絕潘美等兵數十萬長圍四合自春徂夏矢石晝夜不
息上親督衛士攻城慮城陷殺傷者衆仍以手詔諭降守陴者
不納乃躬擐甲胄夜至長連城蹲甲交射矢集城上如蟬五月
庚辰宣徽使范超出降攻城者以爲出戰禽而戮之繼元斬超
妻子投城外壬午馬軍都指揮使郭萬超踰城降帳下親信漸
以亡去繼元窮迫并人猶欲堅守其妻父樞密副使馬峯老疾
居家昇入見涕泣諭之至夕始遣客省使李勣奉表請降賜勣
襲衣金帶銀器錦綵鞍馬復遣通事舍人薛文寶齎詔答之五
月癸未太宗幸城北高臺繼元率官屬縞衣紗帽待罪臺下詔

釋之賜襲衣玉帶金鞍勒馬金銀器錦綵文武官各賜衣金銀帶器幣鞍馬有差名繼元升臺叩頭言臣聞車駕親征卽願束身歸罪而亡命者懼死逼臣不得降耳詔授繼元特進檢校太師右衛上將軍封彭城郡公館於行在所給賜甚厚其相李憚等授官有差以所獻宮妓百餘悉分賜立功將校其親屬令中使康仁寶護送赴京賜甲第歲時頒賚凡稱帝更歷四主二十九年而亡六年加開府儀同三司雍熙三年建房州爲保康軍以爲節度使有疾遣中使護醫診視卒贈中書令追封彭城郡王贈賻給葬賜子名守節授西京作坊副使遷崇儀使改右屯衛將軍天禧四年特遷右武衛改右驍衛將軍融字明遠青州博興人晉天福進士歷太原觀察支使中書侍郎平章事歸朝改司農卿知陳舒黃三州卒子侔儔孫齊並進士及第憚

字孟深開封陽武人漢乾祐進士署州從事擢知制誥翰林學士至司空平章事入宋爲殿中監出知廣州遷司農卿連知許孟二州卒

高季興字貽孫陝州硤右人本名季昌避諱更今名少爲李讓家僮讓歸梁太祖爲養子季興得進見太祖奇其材亦以子畜之冒姓朱氏補制勝軍使遷毅勇指揮使梁攻鳳翔李茂貞堅壁不出議欲還軍季興進曰天下豪傑久窺此舉矧今已困憊破在旦夕此不可以誘致之乎太祖壯其言命募勇敢得騎士馬景授以計季興引見曰此行必無還理願錄其後嗣太祖惻然許之景乃從數騎直叩城門詭言梁兵將東前鋒已去岐人信之果開門出追卽引兵隨景後以進殺九千餘人景死之昭宗贈景官諡曰忠壯季興由是知名明年拜宋州刺史從破青

州徙潁州防禦使復其姓梁兵破趙匡凝以爲荆南留後開平
元年拜節度使二年加同平章事始至荆南十州皆爲諸道所
侵惟江陵一城又遭兵燹非邑荆零季興招輯緩撫人士歸之
用倪可福鮑唐爲將梁震司空薰王保義等爲賓客見太祖崩
梁政日衰乃謀阻兵自固治城隍設樓櫓累絕貢賦末帝封爲
渤海王賜袞冕劔佩貞明三年始復修貢梁亡莊宗下詔慰諭
薰等皆勸入朝震獨不可曰梁唐世仇大王乃其故臣握彊兵
居重鎮以身入朝行爲禽爾季興不聽留其二子引騎士三百
爲衛朝于洛陽莊宗果欲留之郭崇韜諫曰唐新滅梁方以大
信示人今四方諸侯多遣子弟將吏而季興以身逃職爲諸侯
先宜加恩禮以風動來者乃厚禮遣之莊宗嘗欲征吳蜀問何
者爲先對曰宜先蜀臣請以本道兵先進莊宗大悅以手拊其

背歸繡手迹於衣以誇示其人甫去莊宗心悔密詔襄州劉訓
圖之詔暫與季興先後至襄因心動夜斬關出得免歸語震曰
不聽子言幾墮虎口然主上矜伐荒于遊畋政事多廢吾可無
慮矣同光三年封南平郡王令以本道兵取夔忠萬歸峽等州
及閬蜀破京師變起悉邀自峽而下蜀物得金帛四十餘萬殺
使者韓珙等十餘人兵未嘗出明宗入立復請謀夔忠等六州
爲屬郡唐不得已許之猶朝除刺史已後拒而不納乃命劉訓
爲招討使攻之不克別將西方鄴克其夔忠萬三州季興遂獻
荆歸峽三州臣于吳吳問季興爲秦王天成三年卒年七十一
子九人長從誨權知留後事從誨字遵聖爲人明敏在梁爲
供奉官累遷數轡庫使賜告歸寧季興遂留爲馬步軍都指揮
使行軍司馬吳命嗣荆南節度使懼唐見討遣使聘于楚王馬

殷爲之請命而自遣押衙劉知讓奉表進贖罪銀三千兩明宗
納之長興元年正月授以節鉞追封父楚王諡曰武信三年封
渤海王應順元年改南平王晉高祖立遣學士陶穀爲生辰國
信使從海宴之望沙樓大陳戰艦語穀曰吳蜀不賓久矣願修
武備習水戰以待師期穀還具道其語晉祖大喜遣使賜以甲
馬百疋會安從進反從誨陽爲拒絕而陰與之通晉師致討遣
將李端應以舟師從進甫誅卽求屬郢州晉祖不許又聞漢高
祖起亟遣人間道奉表亦求郢復不與乃發兵攻郢爲刺史尹
實所敗會漢遣田敏使楚假道荆南從誨問中國虛實意欲誚
敏以爲契丹之後兵食皆殫敏言晉之戈甲杜重威雖以降狄
然置之鎮州未嘗以北今皆爲漢有從誨不悅荆南地狹兵弱
介於吳楚自吳稱帝而南漢閻楚皆奉梁正朔歲時貢奉道皆

由此常邀留使者掠取其物諸道以書貴謂或發兵加討卽復還之其後南漢與閩蜀皆稱帝從誨所御稱臣蓋利其賜予且多權詐不實諸國以其懷奪苟得無愧恥目爲高賴子乾祐元年卒年五十八贈尚書令諡文獻子保融權留後保融字德長長興初監補太子舍人賜緋晉天福中制授司空判內外諸軍俄遷節度副使開運末領峽州刺史加檢校太傅漢祖起授檢校太尉同平章事嗣江陵尹荆南節度歸峽觀察等使賜以衣幣乾祐二年加太師兼侍中周廣順初兼中書令封渤海郡王賜禮服冠劔顯德初進南平王征淮南詔出水軍抵夏口爲犄角遣指揮使魏璘率兵三千赴之又遣客將劉扶奉箋南唐勸其歸順南唐平後世宗得箋太喜翌書褒美賞其軍絹數萬匹命泰州給牙兵以鹽將議伐蜀請先率舟師趨三峽遣其弟

保紳入朝歲貢無闕世宗益嘉之恭帝加守太保宋初守太傅連遣使貢獻恩賚甚厚建隆初卒年四十一廢朝贈太尉諡貞懿爲人性迂緩無材能事無大小悉委於同母弟保勗保勗字省躬行十幼多病體貌臞瘠晉天福初領漢州刺史判內外諸軍事周廣順元年加檢校太傅充節度副使顯德初檢校太尉充行軍司馬領寧江軍節度保融卒子繼冲幼令權知軍府章聞宋太祖已受命建隆二年遣弟保寅入貢歸勸保寅宜首率諸國奉土歸朝無爲他人取富貴不聽先是保融於南城北決江渚水名爲北海以閔行者太祖諭令決去之使道路無阻保勗立後政事不理淫佚無度惟好營造窮極土木軍民咸怨藩府離弱從事孫光憲切諫不聽三年卒年三十九廢朝贈侍中初爲父所鍾愛或盛怒見之必釋荆人目爲萬事休卒纔數

月遂失國人以爲先兆。繼冲字成和一字贊平保融長子周
顯德六年蔭授檢校司空歸州刺史保勗寢疾其將梁延嗣勸
以軍府付繼冲保勗是之以爲節度副使權知內外軍府事建
隆四年授檢校太保嗣位如故時湖南張文表叛周保權求救
發水軍三千赴潭州將以親校李景威宋祖遣慕容延釗李處
耘等領兵假道荆南繼冲遣保寅犒師約於城外過軍景威諫
以兵尚權謁城外之約其可信乎宜嚴兵以待判官孫光憲叱
之曰汝峽江一氓安識成敗且周世宗時已有混一天下之志
今聖宋受命真主已出王師未易當因勸去斥候封府庫以待
繼冲以爲然景威出而歎曰大事已去何用生爲因扼吭而死
二月大軍至出迎于郊前鋒遽入其城繼冲亟歸見旌旗甲馬
布列衢巷大懼卽詣延釗納牌印遣客將王昭濟蕭仁楷奉表

納土獻錢絹布十萬五千復遣支使王崇範貢金銀器錦綺龍
腦錦繡帷幕各踰千百大祖令御厨使郃岳持詔撫諭以王仁
贍爲荆南都巡檢使兼知軍府事授繼冲馬步軍都指揮使襲
爵如故賜以器幣鞍馬延嗣復州防禦使充湖南前軍步軍都
指揮使光憲黃州刺史都押衙孫仲文武勝軍節度副使知進
奏鄭景玫右驍衛將軍昭濟左領軍衛將軍仁楷供奉官諸父
江陵少尹保紳爲衛尉卿節院使保寅爲將作監充內作坊使
左衛都將保緒爲鴻臚少卿右衛都將保節爲司農少卿弟合
州刺史從翊爲右衛將軍衛將保遜爲左監門衛將軍巴州刺
史保衡改歸州知峽州事保膺本州刺史衛將從訛從讓從謙
爲左右清道左司禦率府率王崇範節度判官高若拙觀察判
官梁守彬江陵少尹韋仲宣掌書記胡允修節度判官州縣官

悉仍舊別賜管內符印五月保紳等來朝各賜京城第一區會
將郊祀繒沖表許入覲十月至闕獻金銀器錦帛寶裝弓劒繡
旗幟象牙玉鞍勒等賜資甚厚郊禋畢制授武寧軍節度徐宿
觀察使鎮彭門幾十年委政僚佐部內亦治開寶六年卒年三
十一廢朝二日贈侍中遣中使護喪給葬事自起傳襲三世五
帥凡四十餘年保寅字齊異晉天福七年以蔭授太子舍人
賜緋累加檢校司空賜金紫歸朝後知宿與懷州與帥趙普有
隙事多抑制心不能平手疏請罷支郡之制詔從之歷西川都
巡檢使司農衛尉光祿三卿移同汝二州改光化軍卒年六十
八廢朝則錢十萬生平有識鑒初在懷州蘇易簡王欽若方少
年趨學在同州錢若水爲從事在光化張士遜其邑人一見皆
許以遠大議者多之子輔政輔之輔堯輔國並進士及第輔政

至秘書丞輔之太常丞 光憲字孟文陵州貴平人世業農少
獨好學博通經史游荆渚爲高從晦所重歷三世皆在幕府累
官秘書監兼御史大夫賜金紫治黃州亦有聲自號葆光子有
所著荆臺集羣湖編玩筆備集栢齋集北夢瑣言蠶書子謂黨
並及第 延嗣長安人歷事四帥頗見委任人稱忠藎表授檢
校司空領綿州刺史充衙內馬步軍都指揮使後因郊祀來朝
宋祖撫慰之曰使高氏不失富貴爾之力也改濠州防禦使有
善政詔書褒美生平頗知書好接士大夫嘗夢神人告以九九
之數卒時果年八十一

馬殷字霸圖許州鄆陵人與其弟賓俱爲河南孫儒裨將中和
三年秦宗權遣儒與忠武軍部將劉建鋒將兵萬人掠地淮南
時揚州大饑儒據高郵遣殷與建鋒掠食旁縣儒戰敗死賓爲

楊行密所執殷等無所歸乃收散卒得七千推建鋒爲帥殷爲
先鋒轉攻豫章略虔吉衆遂數萬推張佖爲謀主乾寧二年入
湖南次澧陵會潭州刺史鄧處訥發邵州兵戍龍回關建鋒等
降其戍將蔣勛取勛鎧甲旗幟直趨潭州給守者以爲闕兵戍
還開門內之遂殺處訥建鋒自稱留後奉表京師僖宗授以檢
校左僕射湖南節度使殷爲馬步軍都指揮使建鋒庸人不能
馭下常與部曲飲酒譟呼勛求爲邵州刺史不與辛鄧繼崇兵
復攻湘鄉建鋒遣殷擊勛不勝江嶺人夏侯陟教以奇兵伏莽
據江爲壁勛來攻敗之圍邵州未下會建鋒私其軍卒陳贍妻
被殺軍中推佖爲帥佖將入城乘馬鬬傷左髀語諸將曰吾非
汝主馬公英舅可共立之諸將乃共殺贍磔其尸乾寧三年遣
姚彥章迎展於邵州奉以爲帥詔除檢校太傅刺潭州遣將秦

彥暉李瓊等攻連邵彬衡道永六州皆下之桂管劉士政懼遣將陳可璠王建武等率兵守全義嶺殷遣使往聘不納殷怒遣瓊等往攻擒可璠等及其兵二千餘人悉阮之遂圍桂管兩士政盡取其屬州表瓊桂管觀察使四年加武安軍節度使寶歸行密爲黑雲都指揮使數從征錢鏐有功爲人質重沈勇知書史未嘗卧衽行密愛之夜臥常有光怪問知爲殷弟熹曰吾今歸汝勉爲吾合二國之懽通商賈易有無以相資亦所以報我也乃厚禮遣歸殷大喜表寶爲節度副使每勸殷與行密連和殷畏朱全忠不果昭宗在鳳翔遣中人間道賜密詔令與行密攻汴州亦不赴後行密遣將劉存等攻鄂州杜洪殷遣秦彥暉許德勳以舟兵救之洪旣敗死存等復來攻殷殷遣彥暉拒於上流偏將黃璠以舟三百伏瀏陽口存等屢戰不勝致書求和

殷許之藩復截江合擊陳知新遂取岳州殷初兵力尚寡與楊
行密成汭劉翼等爲敵國殷患之問策于將高郁欲重幣以奉
四隣郁曰內地狹兵寡不足爲患翼惟志在五管行密孫儒之
營雖交以萬金不能得其懽心惟尊王仗順新布之業今宜內
奉朝廷以求封爵而外誇隣敵然後退修兵農蓄力以待於是
以修貢爲名土產茶茗自京師至襄唐郢復等州皆置邸務鬻
賣及令民自造與商賈交易而收其算歲入數十萬計郁又教
鑄鉛鐵錢以十當銅錢一自是地大力完梁太祖卽位遣使修
貢拜侍中兼中書令封楚王吳袁州刺史呂師周三世將家勇
健豪俠頗通緯候兵書行密疑有異志使人幾察動靜師周懼
與裨將綦毋章謀吾聞馬公仁者待士有禮且與爲隣嘗望其
營上雲氣甚佳未易敗也乃托以兵獵境上來奔殷聞大喜曰

吾方南圖嶺表而得此人足矣以爲馬步軍都指揮使率兵取
昭賀梧州柳宜蒙巖富等州表師周昭州刺史又攻容管執寧
遠節度使龐巨職復遣秦彥暉攻朗州雷彥恭於是澧州向瓊
辰州永鄉澧州昌師益等率溪洞諸蠻皆附于殷殷請升朗州
爲永順軍表張佖爲節度使又請開天門府置官屬梁祖從之
拜殷天門上將軍寶爲左相存右相廖光圖等十八人爲學士
末帝復加武昌靜江寧遠三軍節度洪鄂四面行營都統唐滅
梁遣于希範修貢上梁所授印莊宗問洞庭廣狹希範對曰車
駕南巡纔堪飲馬莊宗嘉之及平蜀殷懼表求致仕聖書慰勞
之明宗卽位遣使修貢并賀正天成二年請建行臺遣尚書右
丞李序持節封爲楚國王以潭州爲長沙府建國承制自置官
屬賓靜江軍于希振武順軍皆節度使姚彥章左相許德勳右

相李鐸司徒崔頴司空拓拔常僕射馬拱尚書文武皆進位謚其曾祖筠曰文肅祖正曰莊穆父元豐曰景莊立三廟于長沙次子希聲字若訥爲人愚而狠殷用高郁計楚國以殲高季興忠之使謀者行間殷不聽及希聲判內外諸軍事間遂得行乃矯殷令殺郁殷老莫知但見大霧四塞殷竊怪語左右曰吾從孫儒每殺不辜天必大霧豈獄有冤死者乎明日吏以狀白殷拊膺大哭遂卒年七十九謚武穆希聲嗣立聞梁祖好食雞慕之乃日烹五十雞以供膳居喪不徹頓食數器非亦不入臨禮部侍郎潘起譏之曰昔阮籍居喪而食蒸豚世豈乏賢耶長興三年卒弟希範立殷子凡十餘人長希振賢舉官爲道士居于外希範字寶規爲人好學書詩晉高祖嘗詔出兵討安從進李金全遣張少敵以舟兵趨漢陽又漕米五萬斛以饋軍會

金全等敗乃旋又遣劉勅劉全明等以步卒五千攻溪州刺史彭士然走之獎州遣子師昂率諸蠻酋降于勅溪州西接犍南通桂林象郡乃立銅柱爲表命學士李臯銘之於是南寧州酋長莫彥殊率其本部十八州都雲酋長尹懷昌率昆明等十二部作何張萬濬率爨播等七州皆來附然性奢侈嘗作會春園嘉宴堂又作九龍殿以入龍繞柱自言身爲一龍其費皆鉅萬始加賦于國中與李臯廖光圖徐仲雅等蒲博飲酒惟拓拔常沈厚長者上書切諫以爲不可時契丹滅晉中原大亂牙將丁思觀又諫曰先王起卒伍以攻戰而得此州倚朝廷以制隣敵傳國三世有地數千里養兵十萬今天下困辱中原無主真霸者立功之時誠能悉國兵出荆襄以趨京師倡大義於天下此桓文之業奈何耗國用而窮土木爲兒女子之樂乎希範不

能從思親與口扼喉而死希範卒年四十九同母弟希廣嗣

希廣字德丕平時希範惡拓拔常諫諍常不欲見呼謂者勿納及臥病始思常言以爲忠名之託以希廣常勸希廣以位奉其兄希夢不從時希夢爲朗州節度聞喪來奔希廣將劉彥瑫以爲意不善周延誨勸早除之希廣泣曰吾兄也焉忍殺分國而治可也乃以兵迎希夢止之於碧湘宮厚賂以遣之希夢憤然而去遣使詣京師求封漢隱帝不許降璽書慰勞講解之希夢怒送款于李景舉兵攻長沙希廣遣彥瑫許可瓊等敗之于僕射洲希夢誘溪洞諸蠻寇益陽希廣遣崔洪以步卒七千屯湘鄉以遏諸蠻彥瑫以舟兵趨武陵攻希夢敗于湄洲希廣懼遣使請兵京師隱帝不能決希夢率舟兵沿江而上自號順天將軍攻岳州刺史王贊本約同行至是堅守不出希夢呼曰昔

有約今何異質曰君兄弟不相容而貴將吏異心乎願王入長沙不傷同氣臣其敢不盡節希夢引兵去下湘鄉至長沙屯水西彥瑫可璽屯水東彭師鬲登城望水西軍入白希廣曰武陵兵驕雜以鬻鬻其勢易破請令可璽等陣山前臣以步兵自巴溪渡江趨岳麓後夜擊之希廣以爲然而可璽已陰送款希夢遂沮其議師鬲亟請殺之希廣不聽希夢攻長樂門牙將吳宏楊滌拒戰希夢少軻會可璽奔希夢佞滌聞之皆潰希廣與婁子皆被擒縊殺之乾祐三年希夢自立明年漢隱帝崩京師大亂希夢遂臣于李景封楚王悉任其弟希崇以軍政希崇與楚舊將徐威陸孟俊魯綰等復謀亂縱惡馬數十騎隨以壯士突入府中劫庫兵縛希夢囚于衡山迎希崇立之彭師鬲廖偃率希夢爲衡山王希崇懼亦請命於景周廣順元年景遣邊鐫入

楚盡遷其族于金陵封希夢楚王居洪州希崇舒州節度使居揚州顯德三年世宗征淮揚下詔撫安馬氏子孫宋興希崇率其兄弟十七人歸京師拜希能左屯衛希貫右千牛衛皆大將軍希隱希溶希知希則皆爲節度行軍司馬

周行逢朗州武陵人少無賴不事產業常犯法配隸與王進達俱爲靜江軍卒事希夢爲裨校李景旣遷馬氏命邊錡爲潭帥會朗州衆亂推衙將劉言爲留後行逢爲指揮使上表於景請授言節鉞不聽因併名言將遷金陵言懼遣行逢與王進達張文表行軍司馬何景真帥舟師襲破潭州錡遁去行逢等據其城上表周太祖言長沙兵亂焚燒公府請移治朗州周祖從之卽以言爲朗帥進達爲潭帥行逢爲軍司馬領集州刺史二帥素有隙進達用行逢策襲殺言移據朗州以行逢帥潭州顯德

元年拜行達武清軍節度使權知潭州軍府事初朗州人謂劉
言爲劉黻牙馬氏將亂湘中童謠言馬去不用鞭較不過今年
後邊劉俘馬氏言又逐劉亦被害其言皆驗世宗征淮南詔進
達出師以偏將潘叔嗣爲先鋒行及鄂州反兵襲朗進達聞之
倍道先入叔嗣攻其城進達敗走遂爲所殺迎行達爲節度使
行達至卽斬叔嗣以徇世宗授行達朗州大都督武平軍節度
使制置武安靜江等州軍事兼侍中盡有湖南之地宋初加兼
中書令在鎮盡心爲治能以儉約自勉條教簡易民皆悅之辟
署官屬必取廉介之士雖胥亦不敢私然性多猜忌果於殺戮
左右少有忤意必寘於法麾下之人重足累息由是士流不附
又多署溪洞蠻酋爲司空太保嘗問學士徐仲雅曰吾奄有湖
湘兵彊俗阜四鄰其懼我乎仲雅曰公部內司空滿川太保偏

地孰敢不懼。妻嚴氏以爲用法太嚴，將失人心，不聽。嘗召掌書記李觀象託以子保權曰：「吾部內兇狠者，誅之略盡。惟衡州刺史張文表同時獨存，吾死必不能事吾兒。當以楊師璠討之。如其不能，嬰城自守，歸于朝廷，無令陷在虎口。」建隆三年十月行，逢卒，追封汝南郡王。保權年方十一，權節度副使俄授檢校太尉襲位。如故文表果舉兵據潭州，將取朗陵，保權乞師朝廷。太祖遣慕容延釗、李處耘爲將，副以四方館使武懷節、趙彥使張繼勳、染院使康延澤、泗坊副使盧懷忠等率淄州尹崇珂、申州聶章、鄧州趙重進兵至江陵。師璠果被文表于平津亭，櫛而食之。延釗遣閤門使丁德裕先路安撫，牙校張從富輩懼爲襲已，至城下拒而不納。盡撤部內橋梁，伐樹塞路。觀象謂保權曰：「我所恃者，北有江渚，以爲唇齒。今高氏拱手聽命，朗州勢不獨全。」

莫若幅巾歸朝則不失富貴。保權少懦不能決德裕以未奉詔不敢與戰退軍須之延釗以聞太祖遣中使諭保權爾本請師救援故發大軍以拯爾難今妖孽既殄是有大造於爾何爲反拒王師爾無自取塗炭重擾生聚保權出軍於澧州南未及交鋒望風而潰復還朗州居人奔竄山谷城郭一空其將汪端劫保權焚廬舍倉庫率家屬棄城亡匿延釗獲之檄端于市梟從富首以徇湖湘悉平保權至京上章待罪優詔釋之賜襲衣金帶鞍勒馬第宅茵褥銀器絹帛錢貲授右千牛衛上將軍乾德三年詔增築行逢墓五年遷保權右羽林統軍太平興國初知并州賜錢三百萬卒年三十四觀象桂州臨祚人拜爲左補闕

弘簡錄卷七十四

明刑部員外郎仁和弘齋邵經邦學

皇清翰林院侍講學士四世孫遠平校閱

附載

吳越錢鏐

子元瑾

孫佐

假會孫惟濟

惟治

董昌

閩王審知

兄潮子延翰延政

漳泉留從效

陳洪進

錢鏐字具美杭州臨安人幼有大志與羣兒戲大木下坐石上

指麾號令部伍有方羣兒輒憚之及壯善射與槩稍通圖緯然

素無賴不喜事生業販鹽爲盜豫章有術者望牛斗問錢財分

野王氣勃勃因遊其地占之在臨安會與縣錄事鍾起善起乃

置酒爲會悉召縣中賢豪陰令術者徧視皆不足當之去過起

家適鏐與諸子飲博從外來見起反走術者望見之大驚曰其

貴人也。願謂起曰：「君之貴，乃因此人復慰。」繆曰：「子骨法非常，願自愛。吾非有所求，直欲驗吾術。」繆謝去。初，爲鄉兵，隸鎮將董昌。乾符中，從昌破浙西王郢，有功，表爲偏將。值黃巢攻掠浙東，繆計鎮兵少，難以力禦，乃出奇邀之。與勁卒三十餘，預伏山谷。巢先鋒皆單騎，度險，繆伏弩射殺其將，斬首數百級。繆曰：「此可一用。」爾若衆至，何可敵耶？疾引兵趨地名八百里，令道旁媼給後問者曰：「臨安兵屯八百里矣。」衆至，聞媼語，不知其地名，以爲軍數急，引過不敢犯。廣陵高駢聞而壯之，召至，久不見用。辭還昌，乃擢繆爲八閩都指揮使。中和二年，使攻劉漢宏，率八都兵渡江，竊取軍號，斫其營伺衆驚擾，因而焚之。漢宏復遣將黃珪、何肅屯諸暨，蕭山皆殺之。光啓二年，繆與靖江都將成及夜率奇兵破生海舟師，進屯豐山，施堅實等皆降。遂破越州，斬漢

宏乃奏昌代漢宏而自居杭州光啓三年拜左衛大將軍杭州
刺史時浙東大亂六合鎮將徐約取蘇州潤州牙將劉浩逐周
寶奔常州推薛朗爲帥鏐遣成及攻常州取寶以歸遣杜獲攻
潤州逐浩又遣其弟鏐攻約約敗走入海追殺之昭宗拜爲杭
州防禦使與楊行密戰于蘇常間取之唐升杭州爲武陵軍拜
鏐都團練使以成及副之稜與阮結顧全武等爲將校沈崧皮
光業林鼎羅隱爲賓客及字弘濟與鏐同起攻討謀略多其所
出子仁琇妻鏐女景福二年鏐轉鎮海軍節度使潤州刺史乾
寧元年加同平章事二年董昌反以書告鏐轉以上聞昭宗封
鏐彭城郡王浙東道招討使鏐以董氏有恩未可遽伐以兵三
萬屯迎恩門遣其客沈滂諭昌改過昌不聽遣其將陳郁崔溫
等屯香嚴石侯鏐遣全武往攻斬溫昌卒敗死昭宗復改威勝

爲鎮東軍拜鏐鎮海鎮東二軍節度使檢校太尉中書令賜錢
券恕九死鏐如越州受命還治錢塘號越爲東府光化元年移
鎮海軍於杭州加太師名所居鄉曰廣義鄉里曰勳貴里營曰
衣錦營是年婺州刺史王瓊附于行密遣將康儒應壇攻睦州
鏐遣鏐敗儒於軒渚壇奔宣州昭宗詔圖鏐形于凌煙閣升衣
錦營爲衣錦城石鏡山曰衣錦山大官山曰功臣山鏐游衣錦
城宴故老山林皆覆以錦號其幼所戲大木曰衣錦將軍天復
二年初封越王無何鏐適間出都指揮徐綰許再思叛焚掠郭
中攻內子城于元瑛及其將馬綽陳爲等閉門拒之鏐歸至北
郭門不得進成及與綰戰斬首百餘級綰屯龍興寺鏐微服踰
城而入遣綽與王榮杜建徽等分屯諸門使全武備東府全武
曰東府不足慮可慮者淮南爾綰急必召淮兵其患不細請擇

諸子可行者。因以難告。楊公必能憫我。鏐以爲然。曰。吾嘗欲以元璩婚楊氏。今使隨公。結果名田。賴於宣州。元璩等至行。審妻以女。亟名。額還。稿以錢百萬。天祐元年。改封吳王。建功臣堂。立碑紀功。列賓佐將校五百人名氏於碑陰。四年。升衣錦城爲安國軍。梁太祖卽位。加封吳越王。兼淮南節度使。或勸其拒梁命。笑曰。吾豈失爲孫仲謀耶。不聽。有吏入奏。太祖問鏐何所好。吏曰。好玉帶。名馬。太祖笑曰。真英雄也。賜以玉帶一打。毬御馬十會。江西危全諷信州危仔倡爲楊渥所敗。皆來奔。鏐惡其姓。改爲元開。平二年。加守中書令。改臨安縣爲安國縣。廣義鄉爲衣錦鄉。三年。加守太保。渥將周本。陳章。圍蘇州。鏐遣其弟鋸。鏐救之。淮兵爲木柵。環城以銅鈴。繫網沈水中。斷潛行者。水軍卒司馬福多智。善水。先以竹觸網。守者聞鈴聲。驚舉網。福乃亟過得。

入城中取其軍號以出內外夾攻號令相應遂大敗本等擒其將閔丘直何明四年復游衣錦軍作歌曰三節還鄉掛錦衣父老遠來相追隨牛斗無辜人無欺吳越一王驕馬歸乾化元年加守尚書令兼淮南宣潤等道四而行營都統立生祠於衣錦軍鏢居湖州殺戍將潘長懼罪奔于淮南二年梁友珪以冊尊爲尚父末帝加天下兵馬都元帥開府置官屬貞明四年由海路入貢京師龍德元年賜詔書不名唐莊宗入洛遣使貢獻求玉冊郭崇韜等謂非天子不得用旣而許之賜以玉冊金印自稱吳越國王更名所居曰宮殿府曰朝官屬皆稱臣起玉冊金券詔書三樓於錦衣軍遣使問新羅渤海王海申諸國皆封拜其君長明宗初卽位時安重誨用事鏐致書辭嫂重誨怒會供奉官烏昭遇璋攻使吳越還攻誣昭遇稱臣舞蹈重誨乃奏削

王爵元帥尚父以太師致仕元瓘等遣人間道自陳重誨死仍復其官爵長興三年薨年八十一諡武肅子元瓘立元瓘字

元瓘字

明寶少爲質於田頔頔叛越助吳攻討每敗輒欲殺元瓘頔母常被護之後頔戰死元瓘始得歸授鎮海等軍節度使鏐臥病名諸大將語曰吾子皆愚懦不足任後事請公等自擇諸將泣下皆請立元瓘曰從王征伐最有功諸子莫及鏐乃出篋鏐數篋名與之曰諸將許爾矣遂襲位王延政自立于建州閩中大亂遣其將仰詮薛萬忠等攻之逾年無功元瓘爲人善撫將士好儒學善爲詩使其國相沈崧置擇能院選吳中文士錄川之然性奢僭好治土木天福六年杭州大火燒其所建宮室迫盡避處火輒隨發因大懼病狂卒年五十五諡曰文穆子佐嗣佐字祐立時年十三諸將皆少佐初優客之已乃聽其大將

章德安於明州李文慶於睦州殺內都監杜昭達統軍使闕璠國中始皆畏恐值王延義延政兄弟相攻又卓儼明朱文進李仁達等自相篡殺連兵不解者數年仁達附于李景已而又叛景兵攻之復求救於佐佐名諸將計事皆不欲行佐奮然曰吾爲元帥諸將皆吾家畜養獨不肯以身先我乎有異議者斬乃遣其統軍使張鈞趙承泰等率兵三萬水陸赴之號令齊肅大敗景兵俘馘萬計獲其將楊業蔡遇等遂取福州而還由是諸將皆服立七年薨年二十諡忠獻弟俶嗣俶字文德先名弘俶以犯諱省母越國恭懿夫人吳氏行居第九晉開運中爲台州刺史有僧德詔語以此地非君治所促令速歸未幾佐卒弟倓立大將胡進思戴惲等皆元瓘舊臣倓頗卑侮之心不能平會閱兵賞資太厚進思諫倓怒擲筆水中進思大懼以除夕擁

衛兵廢餘囚于義和院迎俶立之漢乾祐初授東南面兵馬都
元帥開府儀同三司檢校太師兼中書令杭越等州大都督賜
號翊聖廣運同德保定功臣發兵福州擒江南將查文徽獻捷
加尚書令周廣順初授諸道兵馬元帥二年改天下兵馬元帥
賜推誠保德安邦致治忠正功臣世宗加天下兵馬都元帥顯
德三年征淮南令以所部分路進討遣偏將吳程圍常州擒刺
史趙仁澤路彥銖圍宣城俄軍敗復失常州會李景求割地詔
俶班師五年四月杭州災府舍悉焚將及倉庾而止世宗遣內
侍賫詔恤問是年李景內屬遣學士陶穀司天趙修已賜羊馬
菜蔬又遣閤門使曹彬賜兵甲旗幟恭帝更賜崇仁昭德宣忠
保慶扶天翊亮功臣宋興授天下兵馬大元帥俶舅寧國軍節
度吳延福有異圖俶黜之於外自太祖受命貢奉厚于常數又

厚遣宰相趙普建隆二年遣使賜假戰馬羊橐駝乾德元年改賜承家保國宣德守道忠正恭順功臣是冬郊祀遣子惟濬入貢開寶五年改賜開吳鎮越崇文耀武宣德守道功臣封妻孫氏賢德順穆夫人將討江南上諭入貢吏黃夷簡令訓練兵甲無惑人言又名進奉使錢文贊諭旨朕命有司造大第薰風門外建亘數坊棟宇宏麗賜名禮賢宅先來朝者賜之七年五月命爲昇州東面招撫制置使以禁兵步騎千人爲前鋒命丁德裕護其軍李煜貽書以爲今日無我明日豈有君假不答封書來上八年率兵攻拔常州有功加守太師大將沈承禮孫承祐並爲節度使諸將爲防禦使者一人刺史六人復率水陸兵從平閩州進攻金陵上召進奉使任知果諭旨可暫來與朕相見以慰延想之意假亦以唐亡而懼九年二月遂率妻子來朝上

遣皇子德昭至睢陽迎勞。將至。車駕先幸禮賢宅。按視供帳之具。至卽居之。見于崇德殿。貢白金綵絹。賜襲衣玉帶金銀器羅綺玉勒馬。卽日宴長春殿。復獻白金絹疋半于前數。又賀平江左貢白金并錢及雜物犀象香藥巨萬。車駕幸其第。又貢白金絹匹乳香以助郊祭。三月庚午封妻吳越國王妃。貢物以謝。上時詔其父子宴射苑中。與晉王敘昆弟之禮。每宣諭拜謝。多令內侍掖起。俛感泣留兩月。遣還。宴餞賞賚加厚。涕泣奏願三歲一朝上諭。以川陞迂遠。當俟詔旨。以爲覲期。俛將發。京師特賜導從儀衛之物。自禮賢宅陳列。至迎春苑。仍賜以黃袱包裝。封識甚固。戒曰。塗中宜密觀之。及啓視。皆羣臣留俛章疏也。俛且感且懼。旣歸國。當視事功臣堂。輒命坐東偏。曰。西北者神京在焉。俛豈敢寧居乎。每修貢。必列于庭。焚香而後遣之。太宗卽位。

加食邑五千戶自此連請歲增常貢詔書稱名不許太平興國二年孫氏薨遣給事中程羽弔祭三年三月來朝遣四方館使梁迥至泗州迎勞命齊王延美陪宴于迎春苑召對崇德殿賜襲衣玉帶錦綵錢貲加賜賓佐崔仁冀等金銀帶器幣鞍馬有差仍命劉銀李煜陪宴長春殿貢獻不可勝計上又召宴後苑泛舟池中手酌酒以賜父子皆預其恩待如此四月再上表乞罷所封國籍其境內所屬州軍并縣戶口兵數悉以上之帝御崇元殿以受改封俶淮海國王賜寧淮鎮海崇文耀武宣德守道功臣體貌隆盛冠絕一時是歲七月中元京城張燈令有司于俶宅前設燈山陳聲樂以寵之八月令兩浙發總麻以上親及管內官吏悉歸朝國遂除四年二月宴苑中被病拜不能起上命以銀裝肩輿送歸因以賜之平日小心謹恪每晨趨朝必

先至假寐以待旦上特輟御前大燭以賜諭以中年宜避風冷
自今不須太早從征太原會誅軍中亡命者顧謂假曰如卿保
全一方不致血刃深可嘉尚假頓首謝中途足疾駕親臨問令
太醫艾灸而愈還京策勳加食邑二萬戶食實封二千戶五年
八月又病復臨問賜白金錢絹車駕幸大名詔乘肩輿卽路雍
熙元年改封漢南國王四年春出爲武勝軍節度南陽國王表
讓改許王端拱元年徙封鄧王會八月生辰上遣使賜器幣與
使者宴飲至暮有流星墜正寢前光燭一庭是夕暴薨寔二十
四日誕生之辰年六十廢朝七日追封秦國王諡忠懿遣工部
侍郎郭贊持節冊贈命中使護其喪歸葬洛陽自鏐至假世有
吳越之地幾百年其民俗比諸國號爲怯弱而喜淫巧鏐嘗重
歛其民下至鷄魚卵殼必家至而日取人不堪其苦又多掠得

嶺南商賈寶貨。以事貢獻。太祖以爲吾幣中物。何以獻爲。其管內諸州皆子弟將校授任。而後請命。有至使相者。其任太師尚書令兼中書令四十年。爲元帥三十五年。善始令終。窮極富貴。福履之盛。近代無比。然自奉甚儉。食不重味。常服大帛之衣。幘帳茵褥。皆用紫絕。頗知書雅好吟咏。編詩數百首。爲正本集。陶穀爲之序。性謙和恭謹。未嘗忤物。接朝使勤厚。所上乘輿服物器玩制作精妙。崇信釋氏。前後造寺數百。至度愛子爲僧。復善草書。嘗以絹書爲圖獻上。詔書褒美。賜玉硯金匣。牙管筆。龍鳳墨。蜀牋。兄侑被廢徙越州。資給豐厚。進思屢請除之。涕泣不忍。遣親將薛溫以死保全。進思嘗遣卒乘夜持刃踰垣。溫入斃之。進思因憂懼疽發背死。侑後二十餘年始卒。先是戰士多賜以姓。後歸朝皆稱同宗。浙民避鏐諱。劉改爲金。淳化三年。皆令復。

本姓七子惟潁賀州團練使惟潛左龍武將軍獎州刺史惟演
別傳 惟濬字禹川居嫡數歲表授兩軍節度副大使檢校太
保鈐轄兩浙管内土客諸軍事累加檢校太傅太尉領建武鎮
東等軍節度浙江東西道觀察處置兩浙制置營田發運等使
終太祖世來朝者四南郊侍祠者三令知制誥盧多遜迎勞者
一每名宴苑中令黃門奏蕭韶樂與諸王同席而坐賜白玉帶
珠綴衣水精鞍勒御馬歸辭又賜襲衣玉帶金鞍勒馬龍待殊
等從征江南下毗陵以功加平章事太宗卽位加兼侍中母憂
起復加右金吾衛大將軍俶每入朝遣先奉方物詔戶部郎中
侯涉至泗州迎勞賜資并增食邑三年隨俶徙淮南節度又兩
經郊祀恩加檢校太師平太原征幽薊幸大名皆從徙鎮山南
東道安州皆遙領常留京師籍田封蕭國公俶薨起復加兼中

書令卒年三十七廢朝追封邪王諡安僖中使典喪事子守吉
至西京作坊使守護字希仲累遷供備庫使天僖四年加領榮
州刺史改東染院使卒爲人頗勤學爲文章閉關讀書屢獻歌
頌真宗優詔褒獎有集二十卷子恕娶曹王元偁女長安縣主
惟治字和世廢王侖長子俶愛之養爲己子幼好讀書八歲
授兩浙牙內諸軍都指揮使及長以判軍糧營田事改德化軍
使歷檢校太保太傅台州團練寧遠軍節度使仍兼衙職常州
策勳改奉國軍俶兩入朝以惟濟放蕩少檢皆命惟治權發遣
軍國事一夕旄中火率兵救之令親信仗劍敢後顧者斬妻族
有犯法不少貸命杖背府門納土後命考功郎中范旻知杭州
惟治奉兵民圖籍帑廩管箠以授太宗進檢校太尉入朝遣內
侍護視諸司供帳迎勞召對長春殿賜襲衣金帶鞍馬器幣改

領鎮國軍節度車駕臨幸召見又賜白金會征幽州命知真定
軍府兼兵馬都部署至則訓兵享士頗勤政務似嘗暴疾孫妃
悉斂符籙付惟治後惟濟知之甚恚恨歸朝惟濟祇奉朝請而
推惟治任節鎮叙薨起復檢校太師移病就第累表請罷優詔
不許後病心恍惚家政不肅事連閭閻真宗爲停按鞠責授右
監門上將軍晚頗費賈上聞特轉右武衛上將軍月給俸十萬
累加左驍衛左神武統軍卒年六十六贈太師錄四子官及外
弟子壻親校並甄擢之生平多聚圖書及萬餘卷皆異本帖式
甚富太宗嘗命翰林書學賀不顯詣其第徧取視之回奏諸錢
皆效浙僧亞棲之跡故筆力軟弱獨惟治爲工因以鍾王并唐
玄宗墨跡七軸爲獻優詔褒答惟治嘗曰心能御手手能御筆
則法在其中其草隸書迹多爲人所寶秘雖病猶揮翰不輟真

宗嘗令惟演求之寫聖製詩數十章以獻賜白金千兩復慕皮
陸爲詩有集十卷初鎮四明夢西嶽神謂其而有缺文捧土培
之後領華州節鉞二十年子丕字簡之幼好學雍熙中應舉太
宗召試內署授秘書丞賜金紫累遷駕部郎中坐家事責授郢
州團練副使嘗知新淦縣又知衡州父喪起復爲將作少監俄
領三司戶部判官卒於光祿少卿 惟濟字巖夫七歲奏補漢
南王府元從指揮使歷諸衛將軍領恩州刺史收東染院使真
拜封州刺史嘗侍其宗宴射一發中的賜襲衣金帶移知絳州
民盜桑自剗其臂以誣桑主惟濟驗其剗處下重上輕乃左手
傷因名與食適以左手舉匕遂服徙潞州民驚有外寇奔城而
仆道相枕籍特省從騎從容行視民乃獲安遷永州團練使改
知成德軍仁宗加檢校司空領吉州防禦使留再任遷虔州觀

察使知定州有婦人待前妻子不仁命取所生兒置雪中械使
視之遷武昌軍節度觀察使保靜軍留後爲人有吏幹能戢下
喜賓客豐宴猶家無餘貲然性苛忍所至牽蔓滿獄重囚或斷
手足探肝膽用以威衆觀者色動而視之自若卒贈平江軍節
度使諡宣惠遣使護葬事賻錢絹有玉季集二十卷 儼本名
信字誠允似異母弟幼爲沙門及長謹愼好學博涉經史夢人
遺以大硯自是樂爲文辭頗敏速富贍國中詞翰多出其手初
爲鎮東軍安撫副使顯德四年奏署衢州刺史宋平揚州遣入
賀命開門副使武懷節齎詔迎勞賜資甚厚開寶三年代兄儼
知湖州充宣德軍安撫使攻常州命督漕運歸朝與在廷文士
吟詠不絕歷新鵞隨等州觀察使仍知湖州兄儼爲眞瑞金等
州觀察使侍祠郊宮卒儼換其任常從幸天駟監太宗命擇馴

馬給之未幾出判和州在職十七年卒年六十七贈昭化軍節度使淳化初嘗獻皇猷錄咸平又獻光聖錄並有詔嘉答所著有前後集吳越備史遺事忠懿王勲業志貴溪叟白敘傳昱字就之佐長子佐堯昱尚幼故倖得立以爲威寧大安二宮使倣承制授秀州刺史入賀太祖受禪與江南使同侍宴射中的賜以玉帶及平蜀復入賀移刺台州倣取福州命昱守之討江南爲東面水陸行營應援使又改白州刺史性好學多聚書喜吟詠與中朝卿大夫唱酬嘗共沙門贊寧談竹故事迭錄所記昱得百餘條集爲竹譜俄獻太平興國錄求換臺省官令學士院召試制誥三篇改秘書監判尚書都省時新葺省署昱撰記奏御又嘗以鍾王墨跡八卷爲獻有詔褒美山知宋州改工部侍郎歷典壽泗宿三州罕聞善政亦鮮檢操至道中郊祀當進

秩太宗復以爲郢州團練使咸平二年卒年五十七爲人性聰敏能覆棋工琴書善筆札書翰太祖嘗命取觀賜以御書金花扇急就章復善諧謔終日談宴未常犯一人有集二十卷然食稷縱肆無名節可稱子及百數涉雍熙中及第絳至內殿承制閤門祇候累典郡頗以幹力稱倣草從又有台州刺史仰之子昭序字著明好學喜聚書多親繕寫知運利軍以勤幹聞衢州刺史俛之子昭慶字九齡至供奉官爲人俊敏工詩多警句有集十卷蘇易簡爲序行於世孫承祐錢塘人倣妃之弟擢處要職累遷浙江東道鹽鐵鎮海鎮東兩軍副使知靜海軍節度事光祿大夫檢校太保爲行營司馬倣又私署中吳軍節度使王師渡江以所部與丁德裕會攻常潤克毘陵功居多詔改中吳軍爲平江軍真授節鉞太平興國中又徙泰寧軍從幸大名

留知府事。雍熙二年，改知滑州。卒年五十，贈太子太師。子誘至，
駕部郎中淮南節度行軍司馬沈承禮烏程人。元璫塔居幕，
府任處州刺史，署府右職。收台州，佐復以掌親兵，假命知威武，
軍節度事。充兩浙都鈐轄，征江南，率水陸數萬平毘陵。因攻潤，
州城中兵夜出焚外柵，諸將皆欲馳救。承禮命士卒環甲蓐食，
堅壁不動。敵人不敢窺。他壘不設備者，悉驚擾。承禮曰：「兵法擊，
東南當備西北。」諸君自不知爾。衆皆股丹陽，平遂率兵抵建業，
李煜歸朝，錄其功，真授福州節制。太平興國初，徙鎮密州。秦王
廷美敗，諸人皆嘗有贈遺，獨承禮無。卒年六十七，廢朝，贈太子
太師。董昌與繆同鄉，始籍土團軍，擢石鏡鎮將。累石鏡都知，
兵馬使。中和三年，刺史路審中臨州，昌率兵拒不得入。卽自領
州事，鎮海節度。周寶不能制，因表爲杭州刺史。及破劉漢宏兵，

益營代爲義勝軍節度使越州觀察使檢校右僕射僖宗始還京
昌取越民裴氏藏書獻以補秘書之亡兼授諸道採訪圖籍
使爲治廉平人頗安之時天下貢輸不入京師獨昌賦外獻常
參倍旬一遣後期卽詔朝廷賴之升越州爲威勝軍拜爲節度
使加檢校太尉同平章事封隴西郡王詔書當制者字儼一縑
於是人人意是昌旣貴寢自侈大欲託神以詭衆乃立生祠列
香木爲軀納金玉純素爲肺腑髡而坐妻媵侍別帳百餘鼓吹
於前蜀兵列護門所又爲土馬列牲祔請絳言土馬嘶且汗人
有饗於祠者自言必醉有蝗集祠旁使人捕沈之鏡湖絳言不
爲災客嘗游吳隱之祠言止一偶人昌聞怒曰我比隱之徇之
祠前性素愚不能決事民有訟以穀子擲之不勝者負用人亦
然始罷榷鹽以悅人後稍峭法笞至千百或小過輒族誅血流

刑場地爲之亦有當族五千餘姓貸其死厚養之號感恩都刻其臂爲誓嘗怨朝廷見負我奉金帛不貲何惜越王不與吾當自取下願其虐勸之稱帝令曰時至我當應天順人其屬吳繇秦昌裕盧勤朱璣董庠李暢薛遼與妖人應智王溫巫韓蠆皆贊之昌益兵城四縣自防山陰老人獻偽謠曰欲知天子名曰從日上生昌喜賜以百縑免其征稅命方士朱思遠築壇祀天詭言天符夜降碧帟朱文上言兔上金牀昌自謂已生於卯明年二月初其次日卯我當卽位牙將倪德儒又上讖書秘記咸通末有羅平鳥主憑禍福中和時鳥見吳越四卦而三足其鳴曰羅平天冊民圖其形祀以饗難今大王署名文與鳥類因出圖以示昌昌大喜乾寧二年卽僞位國號羅平建元天冊卽榜南門曰天冊樓自稱聖人鑄銀印方四寸文曰順天治國之印

凡細民所上銅鉛石印及他鳥獸龜蛇悉陳于庭指曰天瑞其
下制詔多自署名或曰帝王無押詔不省先是州寢有赤光署
爲明光殿又虺見思道亭其色金署曰黃龍以自神分其軍爲
二中軍衣黃外軍衣白銘其衣曰歸義置百官或請署近侍輒
曰昌荷天子大恩死不敢負吾假處此位安得如宮禁不許錢
鏐移書讓昌曰與開城作天子何如開府作節度使願王改圖
不聽監軍與官屬皆北向慟哭鏐兵臨復望城拜曰大王能改
過請諭還諸軍昌懼獻錢二百萬犒軍執智溫等五人送於鏐
待罪鏐乃還昌復拒命鏐表於朝請討之傳城而壘昌又執朱
溫遠王守真盧勤送軍求解昭宗遣中人李重睿勞師削昌官
爵授鏐浙東招討使昌求援楊行密遣臺濠圍蘇州安仁義田
頤攻杭州以救昌鏐將顧全武等數敗昌軍降其將進固越州

昌懼諜言外師疆者輒斬嘗身閱兵五雲門山金帛傾鏐衆全武等益奮昌軍大潰奔還始去僞號鏐兵四面攻城踰年不能克會濠取蘇州鏐欲還兵全武言賊不可緩其根本在甌越雖失一州何害攻轉急城中以口率錢雖簪珥皆輸軍昌諸將徐珣湯曰袁邠皆庸人不知兵惟兄子真驍勇善戰得士心因與裨將有隙讒而殺之衆不用命又減戰糧欲徭外軍下愈怨反兵攻昌昌獨保子城鏐將駱闢入見給言奉詔迎公居臨安昌信之全武執昌還及小西江斬之投屍水中傳首京師滅其族斬僞大臣李邈蔣瓌等百餘人發先墓火之猶存積糧三百萬斛金幣五百餘帑惟兵不及萬人鏐遂兼鎮海鎮東兩軍節度使咸有其地

開曰羅平遣臭汗錢莫鏐錢氏之風僅見百年獨貽厚斂

掠美相沿率土已歸帑物奚然

王審知字信通光州固始人五代祖贍爲令民愛其仁因留家焉父恁業農世以貲顯生三子長潮字信臣次審邦字次都次卽審知兄弟以材勇聞當唐末羣盜王緒劉行全據壽州有衆萬餘自稱將軍攻陷光州固始劫豪傑置軍中以審知爲軍校潮白縣史署軍正主廩庾緒提二州籍附秦宗權宗權以爲光州刺史召其兵同擊黃巢緒延留不行又以賦不如期宗權切責緒懼與行全拔衆南走所至剽略自南康贛水入臨汀陷贛泉皆不能有衆凡數萬初以糧少兼道而馳約軍中以老幼從者斬適潮奉母以行緒怒欲斬其母三子同辭泣曰事母猶事將軍殺其母焉用其子得免母死卽不敢哭夜殯道左會望氣者言軍中富有暴興緒潛視魁梧雄傑者皆以事誅之衆懼俄

次南安潮語行全曰子美贊引人才絕衆吾爲子危行全不自
安乃選壯士數十伏叢翳間縛緒以徇衆推行全爲將軍辭曰
我不及潮請以爲主潮固讓乃除地植劒祝曰拜而三勦者立
爲主至審知劒躍於地衆以爲神皆拜之審知讓潮白爲其副
令于軍曰天子蒙難今當出交廣入巴蜀以幹王室率其衆將
行會泉州民惡刺史廖彥若治貪暴聞潮治軍有法相率奉牛
酒迎潮乃反圍城歲餘始克殺彥若遂有其地初黃巢將據福
州王師不能下建人陳巖率衆拔之逐觀察使鄭鑑自領州事
詔授巖福建觀察使光啓二年表潮泉州刺史景福初巖卒其
壻范暉擁兵自稱留後巖舊將多歸潮言暉可取潮乃遣從弟
彥復將兵審知監之攻福州彌年不能下請班師不許欲益兵
報曰兵盡益兵將盡益將兵將盡則吾至矣審知懼親督士卒

急攻罪亡入海迫斬之於是建汀二州皆舉籍聽命潮乃盡有五州地昭宗假潮福建等州團練使俄遷觀察使皆以審知副之乾亨中建福州爲威武軍拜潮節度使檢校左僕射有疾命審知權知節度護審邦不許卒贈司空審知爲人狀貌雄偉隆準方口嘗乘白馬履行陣望者披靡號白馬將軍詔授檢校刑部尚書節度觀察留後厚事朱全忠薦爲節度使同平章事帝在鳳翔賜以朱詔自三品皆得承制除授天祐初封瑯琊郡王唐亡梁祖加中書令進封國王升福建爲大都督府歲遣使泛海自登萊朝貢于梁審知雖起盜賊常儉約自處好禮賢士值中原亂公卿多往依之唐相王溥子琰楊涉從弟沂進士徐寅皆留閩仕宦建四門學以教閩士之秀者還流亡定賦稅課吏勸農人皆安之招來海中蠻族與通商賈黃崎舊爲波濤所阻

一夕風雨震電忽開爲港閩人以爲德政所致號爲甘棠港以同光三年卒年六十四諡忠懿子延翰嗣 審邦亦善吏治爲泉州刺史檢校司徒喜儒術通書春秋流民還者假牛犂與完廬舍遣子延彬作招賢院以禮賢士中原士大夫楊承休鄭璘韓偓歸傳懿楊贊圖鄭戩等賴以免禍 延翰字子逸嗣立之日適莊宗遇弑軍府將吏上書勸進命取史記閼越王無諸傳示衆曰閼自古玉國吾何敢辭冬十月建國稱王稟唐正朔爲人長大美皙如玉而好色父喪未葬徹其几筵多選良家子爲妾妻崔氏性復妬妾美者輒幽別室刻木爲掌以披其頰死者不計審知養子延稟本姓周氏爲建州刺史與之不叶弟泉州刺史延鈞亦怒之二人同謀作亂弑其兄而立延鈞更名鏐 鏐旣立延稟將還建州鏐餞于郊語以善繼先志毋外老兄復來

鑄銜之長興二年延稟率兵擊鑄攻其西門命子繼雄轉海攻其南門鑄遣王仁達伏甲舟中僞立白幟請降繼雄信之登舟伏發刺殺繼雄梟首西門建兵見者皆潰遂執延稟殺之謂曰果煩老兄復來其子繼昇聞敗奔于錢塘三年鑄請於唐欲如馬殷錢鏐加尚書令不報遂絕朝貢素好術家說信左道陳守元建寶皇宮以居守元語鑄寶皇命王少避其位後當爲六十年天子鑄欣然遜位于子繼鵬權主府事復令守元問寶皇六十年後將安歸云當爲大羅仙人於是僭謀卽位受冊寶皇以黃龍見其封宅收元龍啓因號闔追謚審知昭武孝皇帝廟號太祖立五廟置百官改福州爲長樂府然地狹隘國用不足以中軍使薛文傑爲國計使多察民間陰事致富人以罪而籍沒其資閩人皆恐又薦妖巫徐彥謂左右多姦臣將爲亂而文傑

與內樞密吳英有隙英病在告文傑給英曰上以公疾將罷公英恐文傑因敎之曰卽上遣人問疾但言頭痛無他苦也英信之明日巫繆言入北廟見英爲崇順王所訊曰汝何敢謀反以金槌擊其首鱗遣人問英果言頭痛鱗以巫言信之卽收英下獄自誣伏見殺英嘗主閩兵得軍士心以是聞者皆怒是歲吳人攻建州鱗遣將王延宗救之兵在道不肯進曰得文傑乃進鱗不與繼鵬請與之乃以檻車送文傑軍士踴躍磔于市中鬻食立盡龍啓三年改元永和王仁達以殺延稟有功典親兵鱗心忌之嘗問趙高指鹿爲馬事果有之耶仁達曰秦二世愚故高能指鹿爲馬今陛下聰明朝官不滿百起居動靜皆知之敢有作威福者族之而已鱗退謂人曰仁達智略在吾世猶不可遺後世患卒誣以罪殺之鱗繼室金氏賢而不見答通於父

婢金鳳姓陳氏立以爲后又嬖倖小吏歸郎錢得風疾金鳳與歸郎姦百工院使李可殷又因歸郎以通陳氏錢命工作九龍帳國人歌曰誰謂九龍帳惟貯一歸郎子繼鵬又忤于錢婢春鶯次子繼韜怒將謀殺之繼鵬懼與皇城使李做圖之十月饗軍于大酺殿錢昏然言見延稟做以爲病篤令壯士殺可殷于家明日晨朝錢無恙做懼卽與繼鵬率皇城衛士入弑錢併殺繼韜及陳后歸郎繼鵬自立更名和改元通文以做判六軍諸衛事做負弑君之罪心常自疑多養死士以爲備和患之因大享軍士伏甲殺之梟于市其部曲燒啓聖門奪其首奔錢塘晉天福二年遣散騎常侍盧損冊封和閩王子繼恭臨海郡王損至閩和稱疾不見令繼恭爲主遣中書舍人劉乙勞損稍侵辱之還與其佐鄭元弼至京師貢方物致書晉大臣求以敵國

禮相往來高祖怒其不遜下詔暴和罪歸貢物不納下元弼于獄元弼謝曰和蠻貊之君不知禮義陛下方崇大信以來遠人願伏斧鑕以贖和罪乃赦元弼遣歸和復好巫拜道士譚紫霄正一先生守元爲天師而妖人林興以巫見幸事無大小輒以寶皇命行之三年夏虹見宮中興傳神言此宗室將亂之兆因命典率壯士殺審知子延武延望及其子五人後典事敗被殺和愈惑亂立春鷺爲淑妃俄以爲后遣醫人陳究以空名堂牒賣官弟繼嚴判六軍諸衛事疑而罷之代以季弟繼鏞募勇士爲宸衛都以自衛賜予給賞獨厚於他軍控鶴都將連重遇拱宸都將朱文進怒激其軍是歲衛者言宮中當有災令徙南宮避災俄而火起和疑重遇軍士所致內學士陳鄭素以便佞爲和親信以告重遇重遇懼夜率衛士縱火焚南宮和挾愛姬子

弟黃門衛士斬關而出宿于野次重遇迎審知少子延義立之
令其子繼業率兵襲昶及而殺之妻子皆死無遺類。延義既
立更名曦遣使朝貢于晉改元永隆鑄大鐵錢以一當十爲人
偏強難制昶相王倓每折抑之曦亦憚倓不敢有所發自昶時
新羅遣使以寶劔聘問昶舉以示倓曰此將何爲倓曰不忠不
孝者斬之曦時在旁色變後新羅復獻劔曦恨倓前言而倓已
死發塚戮其屍泉州刺史余延英掠取良家子進買宴錢千萬
其獻皇后亦如之命御史勿劾曦管嫁女令朝士賀否者笞之
中丞劉贊坐不糾舉亦將坐笞諫議鄭元弼切諫曦謂元弼何
如魏徵乃敢彊諫元弼言惟陛下似唐太宗臣乃敢諫曦喜始
釋贊又惡其宗室多以事誅諫議黃燮昇槐詣朝堂言之貶爲
漳州司戶叅軍校書郎陳光逸疏曦過惡五十餘事命衛士鞭

之以繩頸掛于木而絕國計使陳匡範增算商之法以獻曦曰
匡範人中寶也已而不登其數遂以憂死剖棺斷屍棄之水中
曦性既淫虐妻李氏復悍而酗酒曦寵賢妃尚氏而嬖甥李仁
遇用以爲相與羣臣常爲牛飲諸子繼柔私棄酒殺之并及贊
者一人連重遇懼爲國人所討與朱文進連姻以自固曦心疑
之李后妬尚妃之寵欲圖曦而立其子亞澄使人謂重遇等曰
上心不平於公重遇等懼伺曦出遊醉歸遣壯士拉於馬上殺
之延政亦審知子初爲建州節度使封富沙王以嘗貽書諫
曦曦怒遣杜建崇監其軍延政逐之曦乃舉兵攻延政反爲所
敗乃自立國建州號稱殷改元天德曦既被弑重遇拔朱文進
升殿率百官北面朝之而自判六軍諸衛事王氏子弟在福州
者無少長皆殺之以黃紹頌守泉州程贊守漳州文興守汀州

科晉年號開運元年漳州人殺贊迎王氏子繼成爲刺史文續懼乃以汀州降于延政重遇亦殺文進傳首建州福州裨將林仁翰又殺重遇謀迎延政延政遣從子繼昌守福州而李景閔亂發兵來攻福州將李仁達謂延政尚不能自保其能有此土耶遂擒殺繼昌欲自立懼衆不附推雪峯寺僧卓儼明被以袞冕率諸將吏北面而臣之已而又殺儼明自立送款于景景保大四年拜仁達威武軍節度使更名弘義景兵果破建州遷延政于金陵封郡陽王遣人名弘義使入朝弘義不從降于吳越王氏自唐景福元年奄有閩國傳三世六君僭號隣太宗利康宗職景宗至延政而滅凡五十有五年

留從效泉州永春人幼孤事母兄以孝悌聞頗知書好兵法爲泉州散指揮使遭連重遇等之亂痛念王氏失國羣逆分據與

親黨王忠順董思安蘇光誨共議興復昌言吾等皆受王氏恩
今子孫遇禍如此而不思報復忠義何在矧聞建州士卒謀盡
力擊福州以復王氏苟一旦功先成我輩何面目見之於是置
酒募敢死士得陳洪進等五十二人夜持白挺踰城而入劫庫
兵擒紹頗斬之立延政從子繼勳爲刺史從效與忠順思安自
署爲統帥洪進等皆爲指揮使文進率衆來攻破之繼勳令送
紹頗首於建州會建州已被延政被徙李景兵進圍福州吳越
兵又至景軍潰歸福州入於錢氏從效遂以兵劫繼勳亦送金
陵自領漳泉留後景建泉州爲清源軍授從效節度使漳泉等
州觀察留後閩中五州自此分矣後累進同平章事兼侍中中
書令封鄂國公晉江王從效出自寒微知疾苦在郡專以勤儉
養民爲務常衣布素置公服於中門之側出則衣之恆自言幼

清素不可忘本泉民甚愛之部內安治王氏有二女嫁爲郡人妻奉之甚謹資給豐厚每歲取進士明經謂之秋堂顯德初遣衙將蔡仲贊等詐爲商人以帛書表置革帶中自鄆路送欽內附又遣別駕黃禹錫間道奉表以獬豸通犀帶龍腦香爲貢世宗以其素附江南慮恐非便不許及征淮南李景保紫金山復累表言其頓兵老師形勢非便旣而景果敗江北之地盡入於周會宋興上表稱藩貢奉不絕李景遷于洪州從效疑爲討已頗危懼遣其從子紹鉉齋厚幣獻景又遣使假道吳越入貢太祖特命使厚賜以撫之使未至而從效疽發背卒年五十七僞贈太尉靈州大都督無嗣以兄從願子紹鉉紹鉉爲後再從弟仁惠淳化中爲泗州長史有清節官散奉薄雖藜藿不充未嘗妄干人太祖聞之召赴闕特遷揚州觀察支使孫丕式祥符中

授三班借職

陳洪進仙遊人幼有壯節頗讀書習兵法及長隸軍籍以材勇聞從攻汀州先登補副兵馬使留從效既殺黃紹頗函其首將送建州因請援兵衆以道阻憚其行洪進慮事久生變獨請往至尤溪道不得前紹曰福泉二州已爲義師所襲爾輩復爲何人城守卽持紹頗首示之曰我送此於建州迎嗣君以歸國爾輩將安歸乎衆遂潰渠帥皆聽命洪進至建州延政大悅以爲本州馬步行軍都校旣而遣歸從效領鎮以爲統軍使與副使張漢思同執兵柄累立戰功從效卒從願守漳州紹興在金陵以少子紹鑑典留務月餘誣以將召越人執送江南推漢思爲留後自爲副使漢思年老不能治軍務事皆決於洪進諸子爲衙將者頗不平洪進圖欲害之漢思亦患其專明年夏四月大

亭將吏漢思伏甲於內將害洪進酒數行地忽大震同謀者密以告洪進亟去衆驚愕而散漢思事不成慮洪進先發常嚴兵爲備洪進子文顯文顯皆爲指揮使勒所部兵欲擊漢思洪進不許伺漢思方處內齋輒引二子袖大鎗步入府中叱去直兵卽鎖其門使人叩門呼曰郡中軍吏請洪進知留務衆情不可違當以印見授漢思惶懼不知所爲卽自門間出印與之洪進遽名將吏告曰漢思昏耄不能爲政以印授吾請蒞郡事將吏皆賀卽日遷漢思別墅以兵衛送遣使請命李煜授洪進清源軍節度泉州等州觀察使值宋祖起洪進大懼遣衙將魏仁濟間道奉表太祖遣通事舍人王班賁詔撫諭別賜煜詔以泉州地里遼遠制御有所未遑不必以彼此爲意令撫慰之煜上言洪進多詐首鼠兩端誠不足聽太祖再諭之煜始聽命建隆四

年遣使朝貢白金乳香茶藥各鉅萬乾德二年制改清源爲平
海軍授以節度泉漳等州觀察等使檢校太傅賜號推誠順化
功臣鑄印賜之以文顯爲節度副使文顯知泉州文顯知漳州
是年夏家艱起復每以修貢朝廷厚斂於民第民貲百萬以上
令差入錢以試協律奉禮郎蠲其丁役及江南平吳越來朝洪
進不自安遣文顯入貢太祖因下詔召之遂入覲至南劍州聞
太祖崩歸鎮發哀太宗卽位加檢校太師明年四月來朝遣程
德玄至宿州迎勞旣至賜錢千萬白金絹各萬禮遇隆渥願上
所管漳泉兩郡優詔嘉納收授洪進武寧軍節度使同平章事
增其食邑留京師奉朝請諸子皆除近郡文顯通州團練使文
顯滁州刺史文顯康州刺史文顯州刺史賜白金萬兩各令
市宅從平太原封杞國公雍熙元年進岐國公年老懇求致仕

卒年七十二廢朝二日贈中書令諡忠順弟銛初爲泉州都指揮使歸朝授漳州刺史入貢至宿州卒子文璉供奉官閤門祇候

弘簡錄卷七十四

終

弘簡錄

卷七十四

圭

初藏唐五